

The Electronic Manipulus florum
www.manipulusflorum.com

Scriptura sacra ak
cum fonte primo

De statu suo Daud cadente nemo
superbiat; de lapsu eciam suo Daud
surgente nemo desperet.
Ecce quam mirabiliter scriptura sacra
eodem uerbo superbos premit quo uerbo
humiles eleuat! Vnam namque rem
gestam retulit et diuerso modo superbos
quidem ad humilitatis formidinem,
humiles uero ad spei fiduciam reuocauit.
O inestimabile noui generis
medicamentum quod uno eodemque
ordine positum et premendo tumencia
exsiccat, et subleuando arencia infundit!
De malorum nos lapsu terruit, sed de
reparatione roborauit.

Gregorius libro XXXIII. moralium
capitulo X.

De statu ergo suo Daud cadente, nemo
superbiat. De lapsu etiam suo Daud
surgente, nemo desperet.
Ecce quam mirabiliter scriptura sacra
eodem uerbo superbos premit, quo uerbo
humiles leuat. Vnam namque rem
gestam rettulit, et diuerso modo superbos
quidem ad humilitatis formidinem
humiles uero ad spei fiduciam reuocauit.
O inaestimabile noui generis
medicamentum, quod uno eodemque
ordine positum, et premendo tumencia
exsiccat, et subleuando arencia infundit!
De maiorum nos lapsu terruit, sed de
reparatione roborauit.

Gregorius Magnus, *Moralia in Iob*, 33,
12 (CCSL 143B, M. Adriaen ed.,
pp.1693-4, ll.61-70).